

KJKP "RAD" d.o.o. SARAJEVO, Paromlinska 57, koga zastupa v.d. direktor Selim Babić, dipl.ing.građ. (u daljem tekstu: "Kupac")

Broj rješenja: UF/I-889/01
Porezni broj: 01700105
Identifikacioni PDV broj: 200316890001
Transakcijski račun broj: 338-900-22080776-49
UniCredit banka d.d. Sarajevo

i

"BIOL" d.o.o. KONJIC, ul. Donje Polje 42, Konjic koju zastupa direktor Emir Klepo (u daljem tekstu: „Prodavac“)

Broj rješenja: Tt-O-253/14
PDV broj: 227825760007
Transakcijski račun broj: 160-604-0000034644
Vakufska banka

zaključili su

U G O V O R

o nabavci masti za podmazivanje – LOT 5

PREDMET UGOVORA

Član 1.

Predmet ovog Ugovora je nabavka masti za podmazivanje, prema ponudi broj _RAD-5/19 od 14.01.2019. godine, prema Odluci o rezultatima okončanog postupka javne nabavke 05-03-04-2593/19 od 08.02.2019. godine i prema Okvirnom sporazumu od dana 13.05.2019. godine

Član 2.

Kupoprodaja robe iz prethodnog člana vršit će se pojedinačnim narudžbenicama. Porudžbenica treba da sadrži asortiman, količinu, klasu, rokove isporuke, puni naziv i adresu sjedišta, identifikacioni broj, sjedište institucije i broj upisa u registar, naziv banke i broj računa.

CIJENA

Član 3.

Cijene masti su fiksne i nepromjenljive. Fakturisanje robe vrši se po važećem cjenovniku Prodavca iskazanom u specifikaciji ponude koja čini sastavni dio Ugovora. Očekivana godišnja vrijednost (za 2019./2020. godinu) iznosi 7.300,00 KM bez uračunatog PDV-a. Na jedinične cijene je dat popust u iznosu od 4,575 %, u skladu sa Izvještajem o toku i završetku E-Aukcije.

Kupac se ne obvezuje na nabavku utvrđenih količina u cjelosti. Stvarna realizacija zavisi od potreba ugovornog organa i raspoloživih finansijskih sredstava.

ROK ISPORUKE

Član 4.

Rok isporuke masti za podmazivanje iz člana 1. Ugovora je 5 dana od dana prijema narudžbe, fco skladište Kupca. Kupac ovlašćuje Prodavca da robu šalje dogovorenim transportnim sredstvima.

Vršenje isporuke robe u se vrši u jasno definisanom roku od po zaprimanju pismenog zahtjeva ili narudžbe ugovornog organa.

U slučaju kašnjenja u isporuci robe do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% od vrijednosti roba za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene

vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

NAČIN PLAĆANJA

Član 5.

Obaveza plaćanja nastaje danom fakturisanja od strane Prodavca. Faktura mora da sadrži broj Ugovora.

Član 6.

Prodavac izdaje fakturu čiji je prilog otpremnica potpisana od strane ovlaštenog predstavnika Prodavca i Kupca.

Plaćanje se vrši u roku od 60 dana, od dana isporuke robe, na transakcijski račun Prodavca.

KVANTITATIVNI I KVALITATIVNI PRIJEM I REKLAMACIJA

Član 7.

Kvantitativni prijem roba Kupac vrši prilikom preuzimanja istih, u svom skladištu.

Reklamacije na vrstu robe, Kupac će dostaviti u obliku Komisijskog zapisnika o prijemu robe, u roku od 5 (pet) dana, od dana prijema robe.

Prodavac je dužan da po prijemu zapisnika neodgovarajućih roba, iste povuče od Kupca.

Reklamaciju na kvalitet Kupac će dostaviti u roku od 5 (pet) dana o saznanju da roba ne odgovara kvalitetu. U tom slučaju Kupac i Prodavac će sačiniti zajednički zapisnik o kakvim nedostacima se radi i predložiti način otklanjanja.

IZMJENE I DOPUNE

Član 8.

Izmjene i dopune ovog ugovora mogu se vršiti samo pismenim putem. Naknadni aneksi i protokoli mogu mjenjati ili dopunjavati ovaj ugovor pod uslovom da su ga potpisali ovlašteni predstavnici ugovorenih strana.

SPOROVI

Član 9.

Eventualne sporove koji bi mogli nastati iz ovog ugovora, Ugovorene strane će pokušati da riješe sporazumno.

Ukoliko ugovorene strane ne postignu sporazumno rješenje, za nastale sporove nadležan je sud u Sarajevu.

RASKID UGOVORA

Član 10.

Otkaz ovog Ugovora daje se preporučenim pismom, a ugovor se može raskinuti sa otkaznim rokom od 30 dana. U slučaju raskida ugovora, ugovorne strane će izmiriti sve svoje obaveze nastale do dana raskida Ugovora.

Član 11.

Sastavni dio ovog Ugovora je Ponuda broj _RAD-5/19 od 14.01.2019. godine.

Član 12.

Ovaj Ugovor stupa na snagu kada ga potpišu obje ugovorne strane i traje do 13.05.2020. godine ili do datuma izvršenja obaveza koje su predmet Ugovora.

ZAVRŠNE ODREDBE

Član 13.

Ugovor je sačinjen u šest (6) istovjetnih primjerka, 4 (četiri) za Kupca, a 2 (dva) za Prodavca.

„BIOL" d.o.o. Konjic
Direktor

Emir Klepo

KJKP "RAD"d.o.o. Sarajevo
v.d.Direktor

Selim Babić, dipl.ing.građ.

Broj: 05-03-04- /19
Datum: 13.05.2019. godine